

საქართველო, ქ. თბილისი

29 ოქტომბერი 2014 წელი

ერთი მხრივ, შპს „პსპ-აფთიაქი“ (შემდგომში „გამყიდველი“) წარმოდგენილი მისი დირექტორის კახაბერ ფანჭულიძის სახით და მეორე მხრივ, სსიპ ქალაქ მცხეთის #1 საჯარო სკოლა (შემდგომში „მყიდველი“) წარმოდგენილი მისი დირექტორის მოვალეობის შემსრულებელი ვერიკო მაჩხანელის სახით, გამყიდველი და მყიდველი შემდგომი ერთად წოდებული როგორც „მხარეები“ და ცალ-ცალკე „მხარე“, მხარეთა ორმხრივი ნების თავისუფალი გამოვლენის საფუძველზე ვდებთ წინამდებარე ხელშეკრულებას (შემდგომში „ხელშეკრულება“) შემდეგზე:

პრეამბულა

მხარეები სრული პასუხისმგებლობით აცხადებენ, რომ მათ გააჩნიათ სრული სამართლებრივი უფლებამოსილება აღნიშნული ხელშეკრულების დასადებად და მის შესასრულებლად, ისინი ერთმანეთის უფლებებს პატივისცემით ეპყრობიან და მოქმედებენ საქართველოს მოქმედი კანონმდებლობის სრული დაცვით.

1. ხელშეკრულების საგანი

- 1.1. გამყიდველი კისრულობს ვალდებულებას გადასცეს საკუთრებაში მყიდველს ხელშეკრულებით გათვალისწინებული საქონელი (შემდგომში „საქონელი“) მყიდველის მიერ წარდგენილი (წერილობითი ან ზეპირი) შეკვეთა-განაცხადის საფუძველზე. მყიდველი ვალდებულებას კისრულობს მიიღოს საქონელი და გადაიხადოს მისი ღირებულება წინამდებარე ხელშეკრულებით გათვალისწინებული წესით;
- 1.2. საქონელს წარმოადგენს მედიკამენტები, სამედიცინო-საბარჯი მასალა და სხვა სამედიცინო დანიშნულების საგნები, რომლის ზუსტი დასახელება, რაოდენობა და ფასი განისაზღვრება ყოველ კონკრეტულ შემთხვევაში შედგენილი სასაქონლო ზედნადების შესაბამისად, რომელიც წარმოადგენს წინამდებარე ხელშეკრულების განუყოფელ ნაწილს; (CPV: 33600000; 33100000; 24300000)
- 1.3. გამყიდველის მიერ მყიდველისათვის ხელშეკრულებით გათვალისწინებული საქონლის მიწოდება (გადაცემა) მოხდება გამყიდველის N 168 აფთიაქიდან, მისამართზე: საქართველო, ქ. მცხეთა, სამხედროს ქ. N 15

2. ანგარიშსწორება და საქონლის მიწოდების პირობები

- 2.1. საქონლის ღირებულება განისაზღვრება 117.58 (ას ჩვიდმეტი ლარი და 58 თეთრი) ოდენობით.
- 2.2. მხარეთა შორის ანგარიშსწორება ხორციელდება ნაღდი/უნაღდო ანგარიშსწორების ფორმით.
- 2.3. მყიდველი კისრულობს ვალდებულებას გადაუხადოს გამყიდველს მიწოდებული (გადაცემული) საქონლის სრული ღირებულება მიწოდების (გადაცემის) დღიდან არაუგვიანეს 7 (შვიდი) კალენდარული დღის ვადაში.
- 2.4. გამყიდველის მიერ მყიდველისათვის საქონლის მიწოდების (გადაცემის) დღედ ითვლება მყიდველისათვის საქონლის მიწოდების თარიღი, რაც დასტურდება მხარეთა შორის საქონლის მიწოდებაზე (გადაცემაზე) სასაქონლო ზედნადების გაფორმებით (ატვირთვით).

3. მხარეთა უფლება-მოვალეობანი

- 3.1. მყიდველის უფლება-მოვალეობები:
 - 3.1.1. მყიდველი უფლებამოსილია შეამოწმოს გამყიდველის მიერ მოწოდებული საქონლის ხარისხის შესაბამისობა ხელშეკრულებით გათვალისწინებულ პირობებთან;
 - 3.1.2. შეკვეთის დაკომპლექტების შემდეგ მყიდველი უფლებამოსილია საქონლის მიწოდების (გადაცემის) ადგილზე გამყიდველის წარმომადგენელთან ერთად შეამოწმოს საქონლის რაოდენობა, ვარგისიანობა და მიიღოს საქონელი სასაქონლო ზედნადების შესაბამისად;
 - 3.1.3. მყიდველი ვალდებულია საქონლის მიღებისას გამყიდველს წარუდგინოს მინდობილობა, თუ აღნიშნული მინდობილობის წარდგენა სავალდებულოა შეძენილი საქონლის სპეციფიკიდან გამომდინარე;

3.1.4. მყიდველი ვალდებულია წინამდებარე ხელშეკრულების 2.3 პუნქტში მითითებულ ვადაში სრულად გადაუხადოს გამყიდველს მიწოდებული საქონლის საფასური, რაც დასტურდება შესაბამისი სასაქონლო ზედნადების მიხედვით.

3.2. გამყიდველის უფლება-მოვალეობები:

3.2.1. გამყიდველი ვალდებულია მყიდველისაგან შეკვეთა-განაცხადის მიღებისთანავე, ავთიაქში შესაბამისი მოთხოვნილი საქონლის ნაშნის არსებობის შემთხვევაში დროულად დაუკომპლექტოს მყიდველს საქონელი შეკვეთა-განაცხადში მითითებული სახეობის, დოზირების, რაოდენობის ზუსტი გათვალისწინებით;

3.2.2. გამყიდველი ვალდებულია წარუდგინოს მყიდველს თავისი სასაქონლო ჩამონათვალი (პრაის ლისტი), საჭიროების შემთხვევაში აგრეთვე შემოთავაზებული საქონლის ხარისხის სერთიფიკატი და მათი რეგისტრაციის მოწმობა;

3.2.3. გამყიდველი უფლებამოსილია მოსთხოვოს მყიდველს წინამდებარე ხელშეკრულებით გათვალისწინებული საქონლის საფასურის ანაზღაურება ხელშეკრულებით გათვალისწინებული პირობებით;

3.2.4. გამყიდველი ვალდებულია დაიცვას ხელშეკრულებით გათვალისწინებული ყველა პირობა.

4. მხარეთა პასუხისმგებლობა

4.1. მხარეები კისრულობენ ვალდებულებას აუნაზღაურონ მეორე მხარეს მათ მიერ წინამდებარე ხელშეკრულების შეუსრულებლობით ან არაჯეროვანი შესრულებით მიყენებული ზიანი.

4.2. მყიდველის მიერ წინამდებარე ხელშეკრულების 2.3. პუნქტში მითითებული საქონლის ღირებულების გადახდისთვის გათვალისწინებული ვადის გადაცილების შემთხვევაში გამყიდველი იტოვებს უფლებას ჯარიმის სახით მყიდველს დააკისროს პირგასამტეხლო გადასახდელი თანხის 0,1%-ის ოდენობით ყოველ გადაგადაცილებულ დღეზე; პირგასამტეხლოს გადახდა არ ათავისუფლებს მყიდველს ვალდებულებების სრულად და ჯეროვნად შესრულებისაგან.

5. ფორს-მაჟორი

5.1. არც ერთ მხარეს არ დაეკისრება პასუხისმგებლობა ხელშეკრულებით გათვალისწინებული ვალდებულებების მთლიანი ან ნაწილობრივი დარღვევისთვის, თუ აღნიშნული გამოწვეული იქნება ისეთი გარემოებების გამო, როგორცაა: მიწისძვრა, წყალდიდობა, ხანძარი, სტიქიური უბედურებანი, ომი და საომარი მოქმედებანი, ხელისუფლების მიერ მიღებული ამკრძალავი ნორმები და საქართველოს კანონმდებლობით გათვალისწინებული სხვა შემთხვევები;

5.2. მხარე, რომლისთვისაც 5.1. მუხლში აღნიშნული მიზეზების გამო შეუძლებელი შეიქმნა დაკისრებული ვალდებულებების შესრულება, ვალდებულია მისი დადგომის და დამთავრების მომენტიდან არაუგვიანეს 5 დღისა წერილობით აცნობოს აღნიშნულის შესახებ მეორე მხარეს;

5.3. მხარეების მიერ ხელშეკრულებით გათვალისწინებული ვალდებულებების შესრულება გადაიდება ფორს-მაჟორული გარემოებების ლიკვიდაციამდე.

5.4. მხარეები ვალდებული არიან შეუდგნენ ხელშეკრულებით გათვალისწინებული ვალდებულებების შესრულებას ფორს-მაჟორული გარემოებების აღმოფხვრისთანავე.

6. დავის გადაწყვეტა

6.1. მხარეთა შორის წარმოშობილი ნებისმიერი დავა და უთანხმოება წყდება მოლაპარაკების გზით. შეთანხმების მიუღწევლობის შემთხვევაში დავას განიხილავს თბილისის საქალაქო სასამართლოს სამოქალაქო საქმეთა კოლეგია საქართველოს კანონმდებლობის შესაბამისად;

6.2. პირველი ინსტანციის სასამართლოს მიერ მიღებული გადაწყვეტილება უნდა მიექცეს დაუყოვნებლივ აღსასრულებლად საქართველოს სამოქალაქო საპროცესო კოდექსის 268 - ემუხლის 1¹ ნაწილის შესაბამისად.


7. ხელშეკრულების მოქმედების ვადა

- 7.1. წინამდებარე ხელშეკრულება ძალაშია მხარეთა მიერ მისი ხელმოწერის დღიდან და მოქმედებს 2014 წლის 31 დეკემბრის ჩათვლით.
- 7.2. წინამდებარე ხელშეკრულება შეიძლება შეწყდეს წინამდებარე ხელშეკრულებითა და საქართველოს კანონმდებლობის გათვალისწინებული წესით.

8. სხვა პირობები

- 8.1. წინამდებარე ხელშეკრულების ნებისმიერი ცვლილება ან დამატება ძალაშია მხოლოდ მას შემდეგ, რაც ის წერილობითი ფორმით შედგება და ხელმოწერილი იქნება ხელშეკრულების ორივე მხარის მიერ;
- 8.2. არც ერთ მხარეს არა აქვს უფლება გადასცეს მესამე პირს თავისი უფლებები და მოვალეობები მეორე მხარის წერილობითი თანხმობის გარეშე;
- 8.3. ხელშეკრულება შედგენილია ქართულ ენაზე, თანაბარი იურიდიული ძალის მქონე ორ ეგზემპლარად, რომელთაგან ერთი ეგზემპლარი გადაეცემა გამყიდველს და ერთი - მყიდველს.

9. მხარეთა რეკვიზიტები

მყიდველი	გამყიდველი
სსიპ ქალაქ მცხეთის #1 საჯარო სკოლა იურიდიული მისამართი: საქართველო, ქ. მცხეთა, აღმაშენებლის ქ. N 71 საიდენტიფიკაციო კოდი: 236087578	შპს „მსპ-აფთიაქი“ ს/კ : 202199575
	მისამართი: საქართველო, ქ. თბილისი, აღმაშენებლის 148/III სს „ბანკი რესპუბლიკა“ ბანკის კოდი: REPLGE22 ა/ა GE30BR0000010228710698
დირექტორის მოვალეობის შემსრულებელი: ვერიკო მაჩხანელი	დირექტორი: კახაბერ ფანჯულიძე
	
(ხელმოწერა)	(ხელმოწერა)